

仿

潛

齋

詩

鈔

仿潛齋詩鈔卷十四

移濟集

光州 李嘉樂 憲之

壬午元旦

歲朝又著舊朝衣
小坐疎窗對煖暉
頗戀初程移宦轍
欣看喜氣聚親闈

三霄雨露殊難報
半世光陰且緩歸
憶我浮生容易過
已成四十九年非

鄧晏清茂才

來琛

和留別詩依第五首韻賦謝

行文絕不尚浮誇
出自青年更可嘉
君向廣庭森玉樹
我慚老筆著春花
論交沃以三升酒
贈句清於一串茶

元禮何緣逢北海本來廉吏兩傳家

令伯少梅大令
己未秋榜同年

晏清倒韻和留別詩並易嘉爲加再答

茂才異等屬通家妙有詩情勝飲茶名士丰標閒似鶴
化工文字豔於花傳箋亦覺軍難敵倒屣翻慚禮未加
徑欲訂交稱小友便呼白也不嫌誇

東晏清令弟石生

翩翩氣宇不矜誇才比時賢一等加顧我姿衰秋日柳
羨君秀發早春花座逢豪客狂飛酒

謂貴錦
堂佐領

約訂清談

待煮茶鄧禹佳兒傳史冊總緣材藝各專家

修署門外夜役房

館垣如始至吾愛魯行人破碎重收拾規模返本真此
官三改歲何處一纖塵任客嘲癡絕還他氣象新

捐雲門書院及滿營義學膏火並立章程以示諸

生

三載周旋漸有成千金欣助亦同情焚膏繼晷方勤學
倒篋傾囊豈好名甲帳敦詩儒將略講堂篝火讀書聲
才兼文武他年用愛士人還附此榮

滿營官軍與邑民先後送匾額衣繖固辭不得紀
之以詩

移官檢文書交代防錯誤稍暇理行裝何來不虞譽晨

起衆喧闐歡聲達內署金碧題門額服飾耀行路云是
細柳營酬予善調護其帥領甲兵禮成序如鷺庶民不
日來儀亦如其數野老尤樸誠麾之不肯去詢以胡爲
然雜陳政優裕此事敢自欺內省無異處三載苦經營
一籌徐展布賴爾軍民和非我風聲樹但期久毋違奚
啻我常任豈無令失平所望面投訴稿以酒三尊謝彼
香一炷勉著萬民衣拜母伸孺慕賤子從政疎慈訓昭
平素華蓋傍高堂我慚親色豫

郡城南雲門山頗佳擬於受代日始往游茲以遄

行無暇遙望率賦

雲門直聳一千尺朝朝暮暮弄寒碧昂頭竟日窺訟庭
好山半被高城隔其中疊嶂杳逾深參差紺宇並瑤闕
欲往從之恣幽探冠蓋影中覺心逆襪被輕裝汗漫游
官身又畏簡書迫私計受代終有時斯願可償待後獲
那料嚴程火速催平生能著幾兩屐眼前秀巖不得登
遑云五岳徧尋繹雙旌西去何時還寶山空手機堪惜
俗吏之俗不可醫遂欠此中鴻爪迹遙望蒼蒼翠翠中
縈迴定有神仙宅誓將歸隱再東游要與山靈分一席

游雪宮

雪宮故址再停騶短碣斜陽且小留憂樂同民無別術

聖賢論政重諸侯爭營華屋招多士孰念蒼生望一游
我愧治齊今又去農桑終少萬全籌

時刊備荒錄

副帥率從官及義學生徒郊送士民餞者尤多賦

謝

生平學道主愛人威克厥愛惠乃久用心不可使民知
論迹何敢辭執咎此邦舊俗紀懷叛解組有時爲擊走
自問守青治尚嚴臨發或亦被攻掎出城遙望喜且驚
饒席聯翩列廣畝歡笑中含離別聲青油幕各一尊酒
元帥軍官虎賁人寅寮庠士鮎背叟玉爵瓦盆齊致詞
惜我遠行爲我壽我亦何能得衆心譽出不虞莫輕受

默求其故漸了然同官愛而忘其醜腐儒性喜阿所私
鄉愚附和從彼口或因我具爲善資姑以虛名相導誘
此意沈吟未卽言旁觀窺得詞乃剖笑語征夫毋致疑
前乎君者未曾有衆論雖平敢自欺太守將醉顏終忸
春風東至客西行衆主人更酌大斗

抵省垣

東城暫駐意逡巡萬目爭看太守新恰值大明湖水煖
不須我到始陽春

歸方氏妹與笙堂弟至濟南喜賦

杜陵弟妹別頻年一笑相逢濟水邊膝下書聲嬌女侍

女甥借至眼中鏡影異鄉妍春花落去頭顱老祿米催來骨

肉全昂首青州途最近慈闈今夕月將圓

母仍任青州署

喜吳慶五方彥亭同至

兩家紫荆樹早歲痛分離

吳時可內兄方騰有同懷在果齋殊情均逝

無妨聚首遲鄉音談絮絮宦境笑枝枝倘佐予新政長

材各妙施

二月初九日接濟南府印

猶是頭銜地乍移何來賀客擁階墀頗愁楚國疲奔命

敢冀淮陽善臥治外郡各如羣季列上官俱解作姑慈

稜稜風骨伸知己莫效驅羊誤路歧

夜閱刑牘

陰風蕭颯黯蘭缸判牘中宵照影雙鉤距術精輸廣漢
推敵律細仿長江相能治國嚴頒赦將不封侯恨殺降
斟酌兩端歸至當幾經思索倚寒窗

豪強氣燄舞文才入網何須一面開最痛愚民知守法
偶因小忿召奇災籠中鳥恐拚飛去堂下牛偏轂鯨來
悔悟意真時已晚得情獨覺寸衷哀

彼甘就死我求生鐵案無如坐王名其手何曾分上下
此心猶恐欠公平避嫌太甚仍私見引證雖詳豈定評
深愧居官疏教養只憑三尺費經營

座上安知獄吏尊每逢下筆亦驚魂人前畫諾隨風靡
我輩愛書異日存善聽枝辭防走卒明徵果報遺兒孫
但期忠恕無他過敢冀子家駟馬門

種竹

百竿新竹翠陰籠半畝荒園劫火紅

衙齋正
月大火

不使吾心

因境迫又看焦土化清風

荷澤令送牡丹至卻之

一身兀坐簿書堆四壁蕭然不著埃我已無心看錦繡
花翻有地起樓臺往還置驛煩民力昕夕趨公愧雅材
笑把百盆還故玉莫教富貴逼人來

卽事

古人朋友閒輒以金爲壽今人效古人在官則大謬郡
爲邑所師治譜聽考究奈何以利交倉卒受厥購佳節
亦如之應期出懷袖少與啟猜嫌小疵代掩覆揚州鶴
漸肥博士羊非瘦重幣防齒焚習奢成卮漏人甘債帥
貧我未大夫富峻望本龍門修容忽馬廐憶昔學宦遊
亦爲薄俗囿今日始憐然磨光先刮垢大匠必以規九
夷或曰陋校尉鄙摸金尚書耻由竇補牢已悔遲改弦
不嫌驟有味是清貧無時非補救

吳筱軒軍門

長慶

以兵定高麗之亂喜賦

衛邦蒯賸潞鄴舒國小深憂禍未除竟有將軍天上下
不容窮寇島中居性偏喜鬥蝸蠻觸利尚相持鷓蚌漁
聞說諸軍齊作氣避風轉欲笑鴉鵂

海隅萬里震

天威真見蠻王繫頸歸溟澥風和中國

聖屏藩日久子孫微扶餘未許虬髯奪疏勒難將燕頷
違畢竟奇功出儒將淮南辛苦舊征衣

周浚臣大令自皖寄其詩至賦答

潢橋風雨悵離羣遠寄新篇廣見聞俗到官場偏著我
天開詩境特窮君一官破甑仍奇氣九塞飛書待策勳

共識雄才高幕府藍田終起故將軍

海客

海客談瀛洲本堪助別趣猾夏口興戎今乃窘所遇他
族貴無滋卧榻思強附民氣鬱始譁夷情詭且怖能忍
徐出謀走向酋長訴其酋自遠來意頗藐制度賤子實
不才備官敢卻顧雖以口舌爭非可情理諭法語冀其
從游詞殺其怒一言略失宜彼將挾爲據神定氣轉和
意堅語如鑄折衝樽俎間自朝幾至暮杞用夷禮羞衛
效夷言誤五鹿角旋折六馬索能馭奪氣彼不驕安堵
民如故輿誦喧道途謂予膽尚裕大吏寔操權和戎謀

則豫太守不自功小人無遠慮

靜觀

要地高危半毀譽靜觀風氣一欬獻從君不少樂王鮒
取友毋爲華子魚機械增從人滿後情田守得我生初
家傳廉吏賢聲在敢忘當年讀父書

太夫人率眷屬自青州至

同僚冠蓋豔郊迎人子心都羨此榮母耐遠行無倦色
民觀盛事有歡聲郡齋耽靜延年兆春晝添長愛日情
僮子備官主猶續家規久勵玉壺清

署後院福照樓相傳狐崇曠而弗居予令笙堂率

兒輩讀書其上以詩禳之

仙人何事好樓居讓與佳兒且讀書九尾形常逢爾輩
兩頭癡恰稱吾虛空中碧嶂相迴合高處紅塵易埽除
自惜宵深閒不得片時憑眺覺情舒

鴿

鴿聲差勝語鉤輦檐際相呼聒未休我自閒行爾何怖
忘機可惜不如鷗

日思良友隔關河舊向寒窗共琢磨欲作報書還未寄
飛奴觸我愧心多

笙堂赴汴鄉試卽攜眷還將以嫁女作詩送之

男兒生不爲良相卽當邊塞作名將奈何青衫一領淚
痕深死抱毛錐不敢放君才頗雄奇君志復豪放三年
一度踏槐黃嘔血苦摹新花樣旣無遺行果巍科亦豈
衡文少哲匠往往薦鶚秋風高咫尺天門幾欲登其上
闡藝傳觀衆口誇事後依然覆瓿醬猶憶春明試雜場
連戰皆捷神何王獨逢一第奪先聲黃河詩少雙鬢唱
或者天意拂所爲要礪英雄窮益壯此事遲速自有時
姑立雲衢昧所向終身弗得亦尋常書味在胸私相貺
予季去矣揮牢愁命中之技終得當嗜好莫貽門戶羞
材能尤恐王心蕩嫁女幸非賣犬貧攜家不比離鸞悵

暇爲我買山一垵白頭兄弟他年暢豆萁從未煎同根
關節何敢速官誘許武高風不可攀我幸能爲李景讓

偶成

趨公無暇日三伏暫停奔衣食資官俸妻孥戴

主恩臣心殫犬馬親舍足雞豚爲政宗嚴肅同僚喜共

論暇與僚友論治首以
杜請託省應酬爲務

雨後登樓望千佛山

新霽憑闌四望通銷炎熱更祝年豐羣山靜似千尊佛
遠樹低於五尺童盆石隔簾承夜雨瓶花當戶顛晨風
前宵祈禱方憂旱能轉時光是化工

游大明湖畢登北極閣

雨後大明湖風景尤清美公暇欲尋詩客召予則唯三
萬柄荷花一千畝蘆葦塵襟戀波光見湖未見水小舟
曲折行渺不知首尾亟登北極閣眼界逞奇詭倚堞山
峩峩臨流花靡靡積潦水不行盛漲城將毀始悟寄託
高差能溯原委全湖面目真飽看心無悔

六月八日大雨桃園民堰決口

崑崙萬里莽來源入濟橫流不受樊澤腹淤高容水淺
隄身束緊逼波翻蛟龍既飽餘生僅蝦蟹爭食晚稼繁
無計弭災司牧罪安排小惠待陳言

擬請撫
恤災民

登藥山望被水災區

藥山北望湧黃流萬井田廬付水漚鴻雁聲哀方集野
鵲華色慘不關秋一籌欲展憑何補二客相從未忍游
同行爲徐小雲
何采香兩大令自愧治河無上策翻將威柄讓陽侯

五十自述

懸弧辰向濟南過壯志猶存鬢欲皤百歲光陰歸我半
千秋勲業讓人多書窺祕府曾三篋資積詞林至九科
默感彼蒼成就意樛材偏未老巖阿

少時講學耻輕肥鄙吝常愁舊雨違竟負二三同志望
忽成四十九年非得閒尚覺詩心活何日真從宦海歸

祿養稍豐差自慰公餘萊彩暢慈闈

才疏猶著祖生鞭腳踏平途亦偶然仕豈能優書漸廢
官雖未進地新遷災留蒼赤無窮累財窘青黃不接年
寄語哀鴻休放鴿賑飢愧少俸餘錢

厭他製錦與稱觴習染紛紛起宦場一刺未投人絕迹

雙旌前導自成行

是日拜客晚歸人無知者

世風愈侈誰能救生日

無關我竟忘歸舍家人憐苦境燭花朗照讀書堂

勸災

海不揚波日風偏破浪回百川原就下萬姓忽當災審
戶難如此臨民愧不才忍飢猶抱牘問到水濱來

查河

徧地擁荒洲寒宵獨夜舟
圖經徵故府疏瀹乏良謀
我欲呼天問民都似水流
何時昭順軌消去百年憂

煮賑

已是人皆餓何堪歲又寒
蒼生環待命紅朽勸加餐
爾輩嗟來耻他鄉遁去難
吏胥無惻隱窟宅恐叢奸

勸分

各有良知在分財惠始真
毀家因仕楚閉糴恐仇秦
豈望盤飧報聊同社肉均
莫辭一鐘粟保富仗安貧

煖廠

予奉憲諭監修於鵲山下

岸上牽舟住無家轉耐涼窩雖異安樂邑暫免流亡回
憶猶寒膽旁觀有熱腸新豐鄰里至卜築鵲山陽

棉衣

大憲及紳富捐
給予亦施千襲

可憐衣出水風雪正紛紛真得黃棉襖差強白練裙心
無與貉耻手有不龜勳略濟千夫困號寒未忍聞

驗災至迴河鎮

水底寒裳尚叩頭好言撫慰淚先流問他父老家何在
遙指波心土一邱

催船黑夜渡黃河案牘如山事更多筆記流離真實語
篷窗無暇細吟哦

河上

河上登登築凍土一壩截流水欲腐河兵竭力衛民廬
不怕浪花逐人舞洪水橫行激似箭動輒發夫數十萬
自殷至今三千年故道紛紛幾改變濟水潛伏能負黃
清流不敵濁流強濟瀆淺淤黃盛漲年年到此壞隄防
朝廷愛民大吏勇力與水爭水亦恐投鞭斷流氣自豪
張弩射潮工遂鞏狂瀾指日涸爲田陽回臘尾春風旋
竹槌方停種甍麥殘黎拭目望豐年河務得失關農務
帑金不惜費無數靈螭效順驗天心蛟龍掉尾歸海去

十一月十一日大工合龍敘績奉

旨以道員遇缺題補並加三品銜紀

恩恭賦

仕路升沈理熟參無功豈願向天貪本來心事期行素

何意頭銜轉勝藍

帽頂用藍色明玻璃

仗下馬叨三品料遼東豕

抱百年慚惟欣水退災民活歲暮紛紛補破庵

贈趙菁衫同年貂褂

游秦剩得敝貂裘言志何妨學仲由我輩友朋如性命
古人贈答最風流羔皮退食家從儉鶴羽乘軒境更優
一品衣看他日著迴殊同學五陵儔

至濟陽境勘徒駭河

水利何時廢空教水患均舊名沿已久古道恐非真駐
馬重尋迹求魚不救貧民多捕魚疏河關至計周道待咨詢

癸未正月二日齊河道中

一曲黃流抱縣城危哉此處託民生春初麥隴綠無際
災後桃符紅有情預計歸期人日近喜占分野使星明
欽差游侍郎至疚心治水無長策愧我來朝按禹城

夜行

居官原苦境行役敢遷延一水明殘夜千村暗曉烟犬
聲疑警盜駒隙誤求仙始信田家樂春宵正熟眠

有以賑事互訟者感賦

財盡機心在民窮轉念差懲奸知有法爭利惜無家命
始逃魚腹詞旋訟鼠牙蚩蚩如悔禍瑞氣集桑麻

遵 先父遺命捐千金助賑 家母繼以簪珥亦

如其數大吏請合建一坊得

旨俞行賦此恭紀爲家乘榮且以志餘慕也

人子有善必歸親此獨陳言得其真我父我母習勤苦
家僅中人志善人一命官每思濟物八口無飢仰俸銀
中鎖灌園蔬自煮廿年丞署冷於冰賤子趨庭受親誨
秀才事業在安貧惟援天下爲己任義所當爲勿逡巡
先人治命聞之熟遇此災區民求生亟檢家山租所入

吾母簪珥同時并白鏹纍纍二千兩藉酬素志非好名
上官披牘詫義舉爲請

天家綽楔榮惜哉父已不及見謁母歸室雙淚零更因
司牧出清俸千襲絮衣施吾民區區那足多全活少免
飢寒亦慰清回看空囊母一笑故鄉坊表行崢嶸

奉勸勸捐數月已得十萬餘金人心好善民困可

蘇非始願所及喜紀以詩

財稱十萬本難供挹注今朝快此胸喜看蚨飛同一路
捐自本省遠招鴻集過三冬初心猶恐窮羅雀大力真
官紳商富堪制毒龍難得此邦風俗厚挽回天意救年凶

朱大王党將軍臨清河鎮工次予往致祭途中作
頗似豚蹄祝老農辦香奉檄肅儀容水災也憶東坡語
共怨天公不怨龍

職非令尹欲勤民正直通靈異降莘我只齋心無盛服
不須瓊玉致河神

憩河濱廢寺

客舟繫樹淡斜暉爲訪禪林一叩扉草沒殿基碑露帽
苔緣牆缺石生衣殘僧種地拋經卷破礎臨流作釣磯
無限蒼涼增感慨總因河患失民依

道中言志

食無魚出無車狂客何能多所需奴白飯馬青芻賢主
有情文不虛主客勸酬意真摯獨至官場類苞苴上官
所至戒糜費先數日已飾庖廚水郭餼牽備羊鹿山城
搜索誇蟹魚庭幕高張紫步障地衣新貼紅氍毹畫燭
影搖妙香蕪薰沐輝煌及厠踰從者幾人車幾乘夜靜
同聲集怨詛醉飽還要金錢賂縣官無語只長吁縱不
求福思免禍事過責償民間租貴客那問費多寡問亦
自陳供張疏及至手滑虧府庫便指郵傳爲夙逋前客
卽司考察職欲詰不敢反欵欵無已調停移善地朝四
慕三誘衆狙我本窶人田間至百錢足行一日途計口

授食減騶從過門不入仍長驅詭請降輿進杯茗歸報
其王恣侵漁盡知情僞若將逸覓店自與擔夫俱風嘶
破窗蒙被卧吟魂已倦夢蘧蘧是豈立異好自苦心安
遑暇計毀譽予取予求定疵汝我行我法不問渠天明
結束買寒具愁看災黎泣路隅澹泊明志詩言志流傳
休笑使君迂

仿潛齋詩鈔

備充集

光州 李嘉樂 憲之

擢授充沂曹濟兵備道紀

恩感遇四首

一麾四載列專城所至曾無赫赫名

詔命新加唐觀察部民兼得魯諸生除書

恩自如山重報最心惟似水清政怠宦成方默警又參
片念在持盈

生平受爵總公朝中外名場廿載遙重五節常承異數

計自館選授職典試出守及
此次升擢均在端節前後
二千石尙愧同僚僅如徙

宅程三日况是還鄉路一條

帝鑒王陽家有母不教萬里策征軛

首郡量移令始宣要津先在杜黃絲剛周鳳紀增三月

又荷鸞書下九天判牘已清塵積案振災甫散俸餘錢

吏胥垂白欣相告故事從無此驟遷去歲二月初九日接濟南府篆五月

初九日遂有是命

先人丞尉舊清門祀典編同兩廡豚不是賢名推馬服

那能後嗣啟熊幡上公期我安鄉里曲阜縣在轄境廉吏傳家

到子孫檢點行裝西去日哀鴻滿耳詎堪論時辦賑務未竣

雨中奉 太夫人赴任

雲擁板輿行連陰復放晴

六月廿八日自濟垣起程雨途次大雨後二日始晴

聲驅暑退宦况共秋成

七月朔酉時接印

腹地愁多盜頭銜懍

備兵

聖朝遷擢驟何以贊昇平

抑園三十二景詩 并序

道署西偏舊有抑園園小而石最多每石輒有

題字因廣為三十二景以張之鋪敘景物詩家

例也識者幸勿哂焉

青未了

一十二萬年青天青未了吾園適象之蒼蒼不妨小

知樂橋

獨立濠梁閒非魚亦非我其知其不知無可無不可

礪壑餘清

在山泉水清出仍為遠志是惟清有餘海枯終不二

霞起坡

坐看朝霞起陰晴萬象該赤城景同異奚暇訪天台

長春山

天地本長春冰霜亦雨露山具天地心酒國何能附

花嶼蘭皋

人愛植奇花賤蘭呼以草豈知眾香國九畹其主腦

尋鶴磴

鶴返仙山去仙蹤何處尋我乃羈塵世一磴一沈吟

青芙蓉

七十二芙蓉茲僅得其一挺然萬古青留以伴初日

森笋塢

奇石如人立森然玉筍班雲根得腴趣蔬氣轉能刪

臨眾芳

絕頂一登臨眾芳處其下爲山日以高大木皆拱把

采香徑

香草喻美人采采意良苦不比吳宮幽徒受於越侮

小匡廬

七渡鄱陽湖熟識廬山面彷彿泛舟來五老重相見

倚松約

兩山夾橫谿石梁接巖竇夫焉有所倚松自來相就

聽濤

奇景皆目遇忽焉與耳謀歷盡風濤險松閒盍少留

桃花坪

纔合朝雨濃倏似晚霞照天半春風來山共桃花笑

清涼窟

平時慕幽風銷夏居陶穴熱中爲人謀孰識馮驩拙

碧雲洞

洞小一何古嵌空暑氣微石門終夜啟龍擁碧雲歸

霽華臺

天際光華發朝晴獨上臺生平愛霽月不惜夜深來

韻琴亭

蓋頭一把茅孤亭圓於笠琤琮響玉泉操縵何須習

西北有高樓

西北有高樓瞰園如粒米我欲往從之海岱歸眼底

印月池

本是月印池還成池印月池圓月亦圓終古常不缺

小碣石

少壯走燕趙碣石不去懷胡爲游學士專重黃金臺

妙蓮岩

妙蓮本佛經天花散盈斗此亦一懸岩更誰容撒手

黃雲見

四野禾成堆連朝雨激箭從眾祝豐年黃雲倘再見

綠陰杵

綠陰晝靜生奕恐伏機智因之石杵旁特拓眠琴地

湛綠溪

雨止水猶滴曲折穿巖腹莫謂細流細湛然匯眾綠

石鏡

衆石競玲瓏爾獨守平正不必放光明蘊輝內自鏡

魚峽

夔巫三峽水豈無養魚時宜呼爲石首作其鱗之而

梅嶺

四圍松竹滿梅樹獨闌珊待補橫斜影聊同大庾看

榆蔭泉

天上種白榆根移柯不改泉源何處來疑通星宿海

青獅峯

搏兔用全力方是大神勇松毛覆扁爛迎風欲距踊

又一村

境狹路易盡別館闢東偏豁然始開朗洞天又一天

題西席李捷三茂才晉詩稿

幕中得奇客餘事復能詩暇日篇相賞狂懷喜可知因君貧士感憶我少年時漫灑窮途淚青雲自有期

和鄭慕韓師寄詩元韻

仿潛舊館小於舟日侍春風不解愁何物科名催遠別

幾時嶺海續從游

師捷己未春闈官湖北是年樂得領鄉薦後官京師別二十五年矣文

章空擬輝鸞鳳耕釣還思狎鷺鷗雙鯉十年才入手詩

筒微願尚難酬

甲戌年賜詩未達茲錄稿來始得讀

卓犖才名動紫宸政書上考不猶人巖疆但得民安枕

家計何妨子負薪師處優缺不名一錢楚澤喧傳循吏傳惠州珍

重著書身吾師曠達超流輩莫為窮通更損神

羸材閱世數河沙匏繫春明莫我嗟補外一官聊養母

離鄉千里易還家兗距光州千里志如景讓羞關節弟事康成

負榜花嘉賓弟少及門屢躓棘間續姻師族有言其改就外職者實無之也多謝指南防

覆轍桑陰仍種鎮心瓜

年來領郡遠風騷無復雲煙落彩毫事簡先從詩債少

政成終戀

聖恩高塵寰束縛頭顱老宦海銷磨膽氣豪借隱倘能

容負笈性靈再與試薰陶

烏棲樹

偃仄衙齋中處藐散步賴有亭與沼結構想當擇地時
無樹不如有樹好林木比諸名節難樹多又勝於樹少
百年喬木如此繁半畝荒園不妨小我遂徜徉乎其閒
左撫奇石右細篠柯交重疊綠陰濃葉落疏通新月皎
世閒好境苦難全招集烏鴉三匝繞好鳥鳴春亦自佳
夜啼聲偏直到卯雄心當作戒旦雞一任黑甜鄉裡攬
那知晨興登假山展齒所經增懊惱滿園鳥糞浣花甌
呼童縛帚供灑掃掃亦終難除舊痕空盼天瓢爲洗澡

玲瓏石恍拖鼠腸琅玕竹皆凍魚腦迴殊池上有鳳毛
復異雪中印鴻爪廁膾滌穢侍亦勞餅水沃廷間常抱
謀及庶人誓廓清衆憤各將一策表或云春至散田閒
借枝殊愁蠶未曉或云金鼓使震驚幕樂未解軍聲撓
或云召弋工掩取射宿還戒機心巧或云鋸樹靖根株
驅賊先要危疆保書生自命經濟才到此沈吟未能了
一笑置之復不甘姑且作詩代撒計善飯趙譏三矢遺
糞金蜀恨五丁狡人猶如此物可知牛溲馬勃本非寶
虢國面嫌污粉脂鄭人心亟圖蔓草將使小兒驅以竿
再用强弩穿彼縞舉火并得覆巢災援繳又教乘虛擣

爾嘴噉金我不貪爾喙帶劍我何禱鷹鷂工畫壁欲飛
猢猻不散樹仍倒用力自能勝匹雛大呼何不撲此獠
爾誠擇木智有餘適彼樂郊見幾早野渡垂楊終古棲
平疇滯穗一羣飽我圍如粒樹如薺何必紛紛來騷擾
此言果與物相孚嗣後去留弗深考去則終肯徙鱷魚
留則又將致大鳥

作詩

少小鍵書舍暇即喜吟詩既長列詞館日被官書羈典
郡青與濟此事益長辭備兵到兗日彌月半假期閒極
循舊軌稍復一為之冥情輒閉目得句屢然髭牘來姑

舍是客到若弗知詩本通於政今胡相背馳戒詩官自
好當官詩必卑二者孰去留難斷如亂絲國朝袁蔣趙
詩名鼎足垂推原得力處懸車皆壯時我意官可棄又
愁詩難爲廣颺兼勲業千載仰臯夔

盆菊有至十月始開者以詩寵之

日減庭柯綠吾廬菊未殘冬心同領略晚境漸平安香
色自然古風霜如此寒羣芳誰耐久珍重幾回看

巡邊至沂州作

修明職業重分巡苦雨三秋阻畫輪欲使同風消伏莽
敢因戴月歎勞薪弄兵久化無頭鬼

前此沂曹盜
起誅殺頗多

按部

誰行有腳春祇爲吟詩兼問俗筆囊硯匣總隨身

盛世官民本一家爲詢疾苦屢停車青徐瘠土勞魴尾
淮海鄰封錯犬牙豈有科條孚草莽但期婦孺務桑麻
隨行突騎前驅弩轉入溪村靜不譁

年來運甓習辛勤致力中原念恐紛賣劍買牛新變俗
橫刀躍馬舊從軍歲豐尙慮無餘食戍苦常如甚惡氛
吏治已難矧武備此身拌作負山蟲

日迎烽堠朔風涼破屋宵棲月照牀官給餼牽原未節
我能澹泊亦微長軍行合與同甘苦吏擾遑論致吉祥
千里東偏旬未畢愈知管領是巖疆

曲阜謁孔廟

東髮受詩書傾心慕闕里行年五十一東魯初踐履宦
游錄見聞聖賢有桑梓摳衣近宮牆愛敬肅然起入門
至升階叩拜瞻富美卓卓金絲堂悠悠洙泗水清濁聆
宮懸莊嚴列簠簋不覺謹趨蹌自然動中禮始知聖教
大歷久尙如此上溯二千年親炙才濟濟隅坐與隨行
悱發而憤敢通藝七十八受裁一夫子聖盡人可爲後
世母自鄙但略窺藩籬即可固根柢僅託愛慕詞此行
亦虛耳警惕寸心微微情從茲始行緩堂益深儀成時
逾暑細雨頻沾濡方悟衣如洗

觀聖蹟圖見石被撫摩漸就滅沒敬賦

轍環聖蹟舊昭臨
歲久憐爲迹欲沈
來往古今咸拊手
帝王士庶有同心
偶觀石理光能鑑
錯認銀鈎刻未深
堅不至磷磨可慮
須教寶護勝瑤琳

蘭山郊行

小雪初晴定朔風
征駢一路望東蒙
祊田冬麥榮微翠
沂水斜陽簇淡紅
禹貢農疇藝穀利
顛臾山道采茶通
真卿祠廟澹臺墓
展謁無由慰渴衷

至蘭陵飲酒味殊不佳戲作

乍飲蘭陵酒一杯
青蓮舊句異新醅
廣微在始談經學

思話亡應少將材方悟古今殊釀法也如消長送人才
風流歇絕誰能振東晉高賢倘再來

滕文公祠

少年馳馬氣難馴學問翻從悟後新折節首開豪士派
踵門心薄異言人大賢未遇偏知己仁政初行即擇臣
倘使齊梁相效法安能六國入強秦

至鄒縣謁孟廟

春秋戰國交道統斷未續遙遙百餘年竟無書可讀人
心日以偷成一大變局楊墨議橫行申韓術刻毒頗牧
尙誅夷儀秦恣反覆荀卿道不精商君法尤酷告子言

性誣白圭治水蹙曲學各縱橫該行成風俗鄒嶧有孟
子天生是使獨巖巖氣象尊滔滔辯才熟邪說力廓清
異端體跼伏許行陳相徒結舌避鋒鏃此謂大丈夫自
反而不縮至今仁義昭並日星嶽瀆功不在禹下天地
常清淑瞻拜祠宇新遺像何嚴肅想見浩然氣千載尙
在復欲去且流連竊比畫三宿

孟廟側槐生柏腹中大可合抱并賦

靈蹟愜人心雙材並十尋寄生槐樹大不死柏根深豈
是相思種翻如共命禽料茲千載後蒼翠益蕭森

孔林有子貢手植楷今尙存途次補詠

治任羣弟子種樹各成林惟有凌虛幹如窺築室心風
霜留古色鐵石叩元音衰世著師說門牆義已沈

回兖州官舍歷滋陽曲阜泗水蘭山及費嶧滕鄒
各縣又將有濟甯與省垣之行

入縣奔馳已及旬慚看父老拜車塵差同子羽謀於野
豈有樂書德在人處士虛聲言未雪聖賢故里俗終馴
任城濟上須行役那敢偷閒趁臘晨

歲暮獨游鐵公祠匯泉寺北極閣歷下亭諸勝

扁舟獨泛大明湖風緊波平薄凍鋪冰雪無情惟凜冽
乾坤到此亦荒蕪遠離塵市人聲寂俯照澄潭客影孤

真境全教歸眼底殘荷折葦不模糊

興來覓句水邊祠聊寄閒情歲晚時座上有靈仙佛鬼
壁閒無用畫書詩一寒至此休相惜萬頃茫然縱所之
貪看城隈千禿柳夕陽紅上最高枝

濟南綰綬兩經春公讌來遊此地頻敢道杯盤非雅集
終嫌輿織是官身題襟舊雨時時戀畫舫清輝歲歲新
笑問湖山相識久素衣曾否點緇塵

捧檄剛逢祠竈日今朝回憶轉淒然

戊寅臘月廿三日
牌示赴青州府任

浮沈官職遷三地代謝光陰足五年不學每慚爲世用
此湖亦算出山泉荒寒景色差堪賞獨向鴻泥一證緣

贈郝夢堯

植恭

太守時署萊州回省

船山文藻至今留吾友清才復宦游八十日剛權郡守
一千紙又在萊州病魔纏體詩能遣海氣填曾字更道
我亦青齊舊從事輸君五馬最風流

夏閒送上官至黃山店余題郵亭壁云冠蓋應官
三伏熱茶瓜留客一亭涼郝夢堯續云青山莫
笑風塵俗且自銜杯話夕陽趙菁衫復過之見
字迹尚存以告夢堯夢堯載入隨錄中以示余
余出省往觀復成二絕句柬郝趙兩太守

淡墨頽牆句共聯葛裘轉眼換流年同來馬廐修容客

會對吟朋一粲然

者番廚傳謝紛忙重到茅亭喫粉湯

純是日事

屋角微聞僮

僕語應官却又避官場

長清道中見羣山皆白始知夜來已雪喜賦

昨酒望雪意相關那識祥霏已滿灣
萬朵瓊花鋪白地雙鉤粉筆畫青山
乍開晴色風回煖頓解塵勞趣轉閒
悟到天心勵清潔皚皚直送筍輿還

過新莊嶺

旅夢初醒便作詩征途於我頗相宜
尖風欲傲頭銜冷累日曾勞手版持
後發車猶山腳駐前驅馬已嶺頭騎

宦途遲速原同致却怕歧中又有歧

東向早發 泰安縣境

行役今番幸程程雪色浮不辭冠蓋俗直入畫圖游臘
柳遲青眼冬山戴白頭未償登岱願臨發幾句留

過甯陽縣

南行雪逾大路近兗州城先覺歲豐稔頓教心太平麥

根潛醞釀山氣倍澄清僕馬馳驅還家尚夜征 連日皆行

百二十里

抵署侍 太夫人飲酒作

慈闈印閣雨蕭然歲暮翻增景物妍婦斷黃齏供臘酒

兒藏紅紙仿春聯一家清儉無官氣百事從容仗俸錢
莫怪古人耽吏隱息機何異小游仙

癸未除夕

親舍歡聲繞膝前屠蘇小飲意欣然征塵撲去剛三日
爆竹喧來又一年我備朝班須早起兒貪守歲故遲眠
回思京邸孤身日坐到殘更夢不圓

甲申元旦

半百光陰兩歲增據鞍顧盼力猶能中朝選到邊材急

外患思將海寇懲越南法國構兵沿海設防鴻爪雪泥頻閱歷鳶肩

火色孰飛騰無才尚欲時艱補肯爲燕鱗學季鷹

和汪柳門學使臘八粥詩元韻

雍和宮肅敞重檐熬粥專司職不兼寶鼎烹調杭乍熟
綺筵供養蜜同黏迎年特紀豐穰慶精膳借揚典禮嚴
從此萬方歌飽德都嘗蔗境十分甜

聚米京倉肖峻巖來從遼左轉雲帆紅蓮種擷江鄉秀
翠釜湯濡海氣馭祈穀九重神自侑拈花一笑佛猶饒
誰思粥飯原非易民僭母忘訓作暑

月下干官接畫檐梅香時節粥香兼盤盂互贈門頻叩
棗栗勺調黍易黏爲紀歲華驚已晚詎同饋遺概從嚴
皇州自昔春來早待啜桃花味更甜

和羹妙製仿商巖不比茶清影見帆百沸湯醲應倍煖
三冬味正本宜鹹帖書乞米人爭請飯罷敲鐘我亦饒
今日臨民膺厚祿參差情狀畏如砮

田舍兒童話短檐盤餐莫道味無兼貧家每諱雙弓煮
令節爭誇八寶黏鼓腹階前晴日曝膠牙座外朔風嚴
比鄰笑說炊烟早翻爲黃梁誤黑甜

遙聽粥鼓寺臨巖臘景催年駛若帆佐以春醪泥甕濁
和將冬菜瓦盆鹹全家團聚欣求飽終歲奔忙始慰饒
逾月計剛逢穀日欲開地利盡礪暑

屢持筇節試風檐

公屢典試
督學各省

華國文章衆妙兼結社德

星推紙貴

公制藝多刊布行世

圍橋化雨似膏黏

公官國子監司業有頌聲

陽歲儉紆籌急

丁丑晉謀大饑公嘗條陳賑事

灞上軍輕拜疏嚴

公劾杭州

駐防

滋事猶憶同朝頻待漏清談差異俗情甜

東來採榦徧搜巖才捷船開下水帆肯把初心負辛苦

久將世味判酸鹹羣黎受惠都忘餓

山東水災公為倡捐

太守甘

貧不諱饑

樂前歲守青州

惜未青州隨杖履論詩還欲訴民暑

兗州府迎春

三年三地觀迎春此日東郊未一巡敢說監司惟察吏

不如典郡尚親民國肥首重寅寮肅地瘠心思疾苦詢

遙指黃河行按部粗才原不厭風塵

兒子錚錚上學

安排筆硯戒晨興力弱難將日課增上學偏知詢放學
許他飽看上元燈

偶成

衙齋無一事春日覺遲遲役補焚餘屋奴呈和韻詩司

札僕竟官堪雞肋棄人笑虎頭癡當午添新課將書引

洪能詩睡時

望雨

年豐景象助昇平宵步空庭企望情臘雪少憑春雨補
密雲多障象星明澤呼鴻雁聲猶慘海擁鯨鯢氣正橫

安得秋成今歲足，弭災兼可爲銷兵。

靜觀

爭食烏啼樹，營巢鵲折枝。物情咸自利，天道本如斯。倘
任貪無厭，終看禍亦隨。靜觀飛鳥象，知足最堪師。

觀兒輩騎驢

驢背更番跨，未休空庭踏。碎碧苔幽逞，雄如策將軍。馬
溺愛母爲孺子，牛笑我老懷甘澆。落讓他兒戲，擅風流
童年那解韜鈴習，又盼桑弧壯志酬。

遣興

早飯加餐午睡餘，天然花鳥境清虛。公餘養得天機活。

脫日詩成信手書

有客

螻螳趨腥羶蠹蝶覓花樹冷署冷於冰亦有客道故長者敘飢寒幼者陳孤露惘惘色可憐聲吞詞微吐我本箕人子苦境昔曾度從軍漢水濱訪舊豫章路幸荷王人賢亦遭典謁怒補外今年衣食粗饒裕骨肉情相關睦嫻義當赴亟啟箱篋囊迴殊倉廩庫愧無障簾賞賸有畫叉數問我胡爲然受祿不受賂山中水自清地下財誰鑄封鮪嗣高風吾母安若素酒虛北海尊羹設東坡芋窮乏者得我此因乃彼付世方以此豪吾豈妄

生慕自苦且苦人負卻親朋願若以君父論親朋又細
務官箴懷冰霜庭訓戒紈袴此志終不移此情何敢訴
積業節嗇餘鄰里鄉黨布幸不作貪狼違能活涸餉廉
吏將四傳子孫莫再誤

李捷三茂才用前韻題拙稿疊韻賦謝

苦詣貪精進餘閒愛品詩蛟龍騰有日豚犬惜無知兒輩
均受業荏苒經三載辛勤課六時牙琴流水調吾欲學鍾
期

附原作

李晉

客中度除夕秉燭讀奇詩羈旅愁能遣篇章妙可知

才真扶大雅名已重當時此曲高難和聽琴愧子期

春夜獨坐

不覺春宵短相隨靜氣深
碾茶消酒力冷韻鍊詩心
孤月有高致好風多古音
閉關成獨坐此亦一山林

送宋大還天津 熙寧

聊餞卯時酒且還丁字沽
分金營菽水失路渺江湖
北

嚮歸鴻疾南征戰馬巖

天津時設海防

浹旬腰腳健得到故園

無

亦知歸不易其奈在尤難
頭會依人苦心旌憶母酸
近家宜負米決計返征鞍
不作騎驢客風霜氣正寒

君屬買養

母往返步行
聘一驢不受

漫興

一庭風月耐婆娑臥閣經旬未著鞞舊治刊碑慚績少
奎少尉揭青州
去思碑見贈新春封印得詩多也防觀政來巫馬何

用爭先倚祝鮓鼓吹倘教刪兩部終朝如坐古巖阿

宦迹行行徧魯齊依然眉宇不能低取才到處辭陽鱈
養氣何年望木雞趙魏老譏從政拙巢由隱笑買山栖
聲名官職輪同學漫羨登雲共一梯

經世才疎敢熱中屢承披拂到春風曲非白雪無人和
境覺青雲有路通知我最深逢鮑叔見賓不舞負羊公

亦知賦命終窮薄，勵節須酬薦士忠。
書生經濟本無多，錐處囊中可奈何。
五百金方求死馬，萬鍾祿肯受生鵝。
誓師貔虎嚴新陣，爭地蛟龍起怒渦。
防海治河今日事，莫教心力再蹉跎。

東同年趙菁衫太守

國華

噫嘻乎世重齊年，未必有深意。不過九州四海同科第，
李邵劉蕢一遇一不遇，推尊尚如草木之臭味。何況君
我早歲不相知，直至同治覃恩舉會試，一榜進士數百
有餘人。公謙往還階前盈尺地，不及日下雲間作奇語。
欲結同心依然失交臂，越十六年握手濟南城，乃能爛

醉狂歌以盡致一大都會我始蝨其閒君慕治中遠超
百里吏見我倒持手版少威儀輒陰厚之調護無不至
同舍竊笑兩生有是迂未免睨而視之生私議時亦未
暇考其所以然但覺我輩拂拂有生氣君爲指南又得
幾良友居然擊鉢催詩訂同志昨歲量移首郡跡彌親
突來水災奉檄共一事鵲華山前聯舟翦浪行珍珠泉
側並案呵毫記修竹彈蕉軒然起大波幸而俱免思之
有餘悸一旦銜命備兵來兗州獨肩局務當者人必瘁
我處其逸君亦不辭勞元白齊名面又尹邢避矧復大
中丞府備軍諮蛟窟龍淵日攬澄清轡亦知湖海豪氣

排天閭功成撒手為訪赤松計兩家各有老萊舊舞衣
何時借隱早踐誅茆誓夢繞青草堂畔小樓高不識長
筵一聲得倚未

潘彬卿廉訪奉使再至山東謁後賦呈

經濟宏深未竟施柏臺教化懷無私南河趨侍承家學

公隨任南河北關朝參結主知公於早治水忙無留獄

即留心水學祭山暇有捕蝗詩樂呈捕蝗圖求題

候公督桃園河工仍辦木署公事詩公詣泰山途中

作青沂到處循聲著愧繼蕭何畫一時公昔權青州府

樂均忝為後任一遵成法風蹙微波宦海驚無求容易挂冠行安知失馬非奇福

不信聞雞是惡聲

帝果任才期奏績公方拜

命即登程祇今屬吏歡迎日豈止西郊慰別情

上元夕觀親軍舞龍銜

廣庭曼衍紺珠沈

珠已失去

鱗作之而萬點金名士龍分頭

腹尾佛家鐙貫去來今

鐙為前任所製

偏隅火樹銀花少

充郡鐙事

最少往日鼇山鳳輦吟兒女歡呼老親喜舞衣我亦有童

心

健兒身手不能閒遊戲仍聽號令頒我以心機成部勒

人疑眼福縱癡頑士風競敦雞三唱兵法誰窺豹一斑

酒脯犒他神氣奮今宵便擬奪雄關

即事

昨有遊客來備述身寒窘因我有瓜葛辭家飄蓬梗欲
覓衣食鄉非貪安樂景所求本無多烏棲而鼠飲憶昔
見比鄰投親乞餘瀋薦函揮朵雲館穀耀歸軫亦望百
官座但爲一言請聞之心惻然察其意無隱顧我迂拙
人對客默自省微官歷廿年束躬條井井不昧揚震知
不效曹邨引官派尚攀援因端恣窺訶偶爾與作緣嚴
然交平等漸有挾而求將無時可忍否則中下材又奉
命惟謹俯聽客所爲或竊威權秉力足庇一身禍將延

四境兩種人性情皆足破吾整如骨哽在喉如瓢繫在
頸焉知彼賢才姑用吾繩準道廣服太邛關節嚴包拯
甯爲解慳囊薄贈金一錠聊可助言旋庶不爲己甚客
前方欲辭吾退乃安寢

補作詩

印未開封牘未齊高齋兀坐夕陽西要移暇日成忙月
且作新篇補舊題博奕猶賢心獨用釣游如昨事重提
中年又慕詩傳世古錦囊空付小奚

抑園假山

飛來安得此嶙峋結構天然假亦真橫側俱成山面目

玲瓏全仗石精神地低導以三分水峰小高於七尺身
眼界放開無定相便看五嶽一微塵

編詩

輿馬逢迎羽檄馳忙中亦復有閒時三年蹤跡三移郡

一月光陰一卷詩

是月得詩頗多

回首孤尊開北海折腰五斗

負東籬何當覓句還鄉去除卻狂吟總不知

曉起

一枕猶殘夢重衾正峭涼詩成催曉起米貴覺春荒宿
火埋鑪煖藏醪透甕香生涯吾易足所愧績循良

贈王香谷布衣

壽蕙

時寓臨淄

容易兩年別艱難一冊詩飢寒增定力忠孝發新詞負
米途宜近看花數未奇春宵風雨冷吾欲夢臨淄

刻詩

近作叢殘聚一編幾回校訂始雕鐫棗梨有迹難藏醜
桃李無言尚鬪妍舊稿錄仍多散佚官聲好或藉流傳
生平何者堪成就却愧耽吟四十年

少時放浪悔粗豪中歲奔波惜太勞進境亦知來日少
專家方信古人高眼前理已欣然悟身後名難率爾操
塵海要留詩幾句先須心地埽蓬蒿

世將餘事薄詩人那解吟懷最苦辛但得數聯備傳誦

已拌十載耗精神賞音豈願逢皮相生色翻思仗手民
也識初刊非定本猶加塗改墨痕新

半生出處小滄桑賴此編年卷頗詳細體物情心血累
未成家數鬢毛蒼捲單習苦如行腳屬對求工有別腸
問世預愁供指摘絲牽傀儡待登場

二月四日雪

六出花飛一色齊半鋪樓閣半山溪瓊瑤似解因風轉
高處雖寒不染泥

花朝風信已頻催不料祥雲舞一回天降雪如人得句
聽他乘興自然來

客戲謂余現官素稱貧道今更節縮所入行且斷

齋糧矣率答

何從辟穀乞神方尚覺青精飯可嘗求富中難容我往
忍窮外豈有他長寫經絕少籠鵝贈托鉢還愁辱鶴糧
憂道憂貧籌已熟飛昇原不戀黃梁

夜吟

憶昔作詩昧好醜遇題即成一舉手嗣雜人事窒天機
衣食風塵日奔走復傳荆公嗜睡方遂閉鳥佛吟詩口
十二時半黑甜鄉睡魔狎暱詩魔忸我如入蟄蟲懶飛
人謂藏珍璞待剖果然五十體始衰早睡易醒時方丑

官閒養出性靈詩頗覺吟情堪抖擻今於夜吟習爲常
昔亦夜吟特其偶無題可作憶前塵時地人物曰某某
一一補之慰寂寥大索十常得八九成篇未暇重推敲
功非百鍊難垂後來日方長夢更稀改詩工夫知尚有
多睡少吟固養生少睡多吟或不朽兩難軒輊聽自然
奚問得名與得壽胡爲體衰志未衰熊魚欲兼時欲久
癡懷高望劍南翁八十五年詩萬首

又雪

天怕今年早春來雪未休梅寒香徹骨竹重翠低頭欲
罄沽來酒重穿脫去裘麥田滋潤透少解杞人憂

沂州詠古八首

澹臺滅明

斬蛟碎壁骨嶙峋公事依然與宰親
王犯何妨爲父執言游畢竟得賢人
能移由徑頽風舊已助聞絃雅化新
貌取自來無特識方知相士聖門真

疏廣

散金亭畔幾徘徊白首當年共乞骸
輔導善原無顯迹子孫賢亦戒多財
國門送別車千兩鄉里聯歡酒一杯
知止似非奇節著漢廷卿相已交推

諸葛亮

先機妙算定隆中生長瑯邪一畝宮昆弟齊名標虎狗
使君得士起蛟龍三分國關艱難際十倍才歸謹慎中
用法嚴明心澹泊頻年北伐竟無功

羊祜

襄陽坐鎮備吳侵緩帶輕裘氣自沈民撫殘碑猶墮淚
敵通美酒亦知心金環隔世生原慧鐵鎖橫江劫未臨
不是舉賢逢武庫樓船功總遜韓禽

王祥

雀投鯉躍感天高破賊徐州別駕勞號泣共嘗王覽饌
吉祥遑問呂虔刀兩兒出守清名繼三老陳言曠典叨

江左從茲開望族都因孝友啟英豪

王導

淚灑新亭眼欲枯楚囚誰復議夷吾
洛中傾覆延名士江左偏安輔霸圖
諸子承家知讓爵六軍禦侮仗宏謨
平生亦有傷心事周顛何曾殺賊奴

王羲之

屢箴當道合兵機守土開倉亟賑饑
修禊名齊彭祖壽清談力矯晉朝非
偶耽絲竹陶情暇酷愛山川借病歸
經世才教書法掩鼠鬚蘭紙永生輝

顏真卿

盧杞心藏藍面惡祿山口作赤心論誰將唐代羣賢折
賴有平原一柱存世視成仙尸已解家傳罵賊舌猶存
祇今魯郡瞻遺帖餘技爭摹屋漏痕

花事

料峭東風二月半到處尋花花不見我園羣卉初發芽
中有牡丹與菊花去年未冷培根早今年預卜新枝好
牡丹富貴菊延年開時供奉萱堂前小人有母大歡喜
慈顏帶笑花光裏親年尚健春日遲都是千金一刻時
初九日得三次雪

歲逢春早倍驚惶舊穀無多價已昂地限一夫田百畝

天教五日雪三場泛舟鄰境催輸粟帶甲邊軍盼饋糧
膏澤自來關繫重微衷長此祝豐穰

憶弟

斷雁寒雲片影遲遙懷四海一相知願君世世爲兄弟
柰我年年悵別離故里難尋惟畏友貧官不定是歸時
聯牀大被堪偕隱且誓青山兩載期

午睡

卯辰早起已加餐午睡初醒一倚闌眠食按時非異事
生平得此是閒官漢臯討賊宵鳴劍濟水延賓日整冠
回憶辛勞今始快又防暮氣漸求安

涉園

小圃尋芳綠未抽，仲春景色似深秋。忽增薄凍寒侵骨，卻幸名花晚出頭。能與雪霜爭氣節，何妨歲月得優游。偶因草木開神悟，宦海無波不繫舟。

乾坤雕繪勝迂倪，身世疎慵笑懶嵇。壓檻花含紅韎錫，窺窗竹隱碧頗黎。檢書漢墨亡韓信，斷酒秦關逐李斯。情景絕佳知者少，天然留得好詩題。

暮春

暮春童冠集歸詠，氣超騰沂水風流。歇蘭亭感慨增，落紅花一斗重碧酒三升。吾亦天懷暢，何須禊事興。

萬佑之明經葆真自楚來訪見贈二律次韻和之

回首鸚鵡洲前路十載離懷爾許深湖海氣豪樓百尺

棟梁材養木千尋相期訪我春光早正盼偕君好句吟

連月閉門花滿徑笑看舊雨竟來臨

君家狂客昇仙去

令兄乃齊乙丑年歿

幾度酸吟缺誅辭造物無

情至此極故人有子慰相思

令姪畢臣偕來

杏壇東魯宜游學

葛帔西華早戒癡握手悲歡難舉似晚來姑飲一軍持

再贈佑之疊前韻

總角論文今又見魯王宮畔白雲深識荆階近剛盈尺

訪戴舟來異枉尋乍認鬚眉驚老大快傾肺腑賭狂吟

寂寥正少同心侶不道遙程肯惠臨

梓鄉來往屠門日委巷衝泥苦不辭潦草功名無異處
落花風雨有餘思從今觴詠常相伴別有情懷未覺癡
預約潢溪偕隱去煙波同把釣竿持

亡友萬乃齋詰嗣畢臣來訪詢知遺稿燬於兵燹
以篋藏其舊作四律付與俾世寶之茲然有作
不勝人琴之感

塵封亡友句鈔自卅年前奔走隨行篋殷勤付後賢交
情當日事文字此生緣努力承家學他時告九泉
白馬途偏阻紅羊劫易經高才悲短日遺稿覓零星猶

幸書三策差能免六丁負舟慚大力未克植伶仃

三月十二日躬藉禮成紀事

魯郊安步踏春泥躬藉年年典禮稽身是農夫兼識字
眼看朝服尙扶犁生兒名以添丁重納稅糧因帶甲齋
陽羨有田歸及早須知我本與民齊

笙堂書至知次姊病歿詩以哭之

姊長吾三歲生平苦境深驚開花萼東慟到女嬃碓慘

淡懷冰節淒涼煮粥心安車迎未至哭罷更哀吟姊養舅姑

事畢屢請
來署不赴

少得雙親愛操勞性謹嚴一生辭錦繡十歲辦齋鹽弟

妹隨書卷江山入鏡匳

姊幼隨任司米薪檢行李督弟輩背誦所讀書

結襦剛

及載死別恨重添

翁宦杭州去從姑轍未停持家方貴盛歸里漸彫零玉

少階前樹天孤曙後星北門新綽楔目或九泉瞑

得旌如例

而建坊缺資余囑笙堂代成之甫竣即逝

黃鵠身將逝青鳥喙正長累年家難作薄俗寸心傷火

酷香彌烈沙磨璧倍光一呼雷電下天道豈茫茫

族以風水

為詞阻建坊疾遂劇

笙堂長女客冬新寡賦此哀之

寡女絲難斷家中有替人隨吾三度歲為汝一傷神礪

石金能壽凝霜草不春休嗟天意虐節義仗羣倫

焚畫歎

易洩萬物化生旨男女媾精一言靡後世淫詞摹已工
誰更繪作圖一紙不識字人也醉心無後必自作俑始
然猶秘戲藏於深未敢張之五都市舉國若狂鏡殿游
幾令魯難秉周禮容得狂徒納垢鄉楊柳村中技至此
天津楊柳青等游民覓食擅陰謀到處聚觀喪廉耻就
處借淫畫爲業試童子集如雲時方宛見橫陳有玉體欲把真真百日
府考呼情竇初開以情死事近於戲關隱憂官斯土者敢坐
視取畫拉雜摧燒之燎原火傍公堂起觀者如堵謹如

雷欣欣相告無憂矣子產誨我子弟忠童心警覺得循
理諸生來前聽我言以身徇欲古所鄙讀書先要真精
神不負聖賢共桑梓陽光炎上邪氣消實畫者亦叩頭
悔扑作教刑姑舍之歸去耕田業自美民愚偶一潰厥
防大聲疾呼返正軌更思嚴檄達津沽除惡莫辭盡根
柢

三月晦日鉅野道中

難挽春光思悄然差欣野景近豐年
盤牆叟樹樓雞柵汲甕兒儲飲馬錢
雲起一峯痕肖石麥鋪萬頃浪搖天
歸來園好今何處却爲塵勞慕昔賢

赴濮范各處驗黃河南岸夾隄

金隄兩岸直如繩民堰胡爲進一層人有爭心防更曲
水無餘地患方增雞蟲得失從何判鴻雁哀呼絕可矜
生齒日繁田日少陽侯順軌莫襄陵

濮州殺賊行

曹南山下日無色盜取人於萑苻側我師養銳走如飛
誓欲滅此後朝食賊起勢尚未蔓延擇肥鄉里索民錢
救民惟恐民受毒殺賊遑問賊可憐濮州大尹真健者
揮衆捕賊遇諸野勢急賊亦目無官火礮橫飛拌作鮮
礮烟障目鳴刀槍戰血紛紛溼劍鋸禽十六賊殪其一

渠魁突圍如亡羊我行四日五百里無鋒可試賊平矣
策騎徐歸思後圖一路鈴聲解送喜屬邑皆如濮州官
賊膽驚破民心安賊能賣刀羞佩犢拊循一例作民看

宿梁山

山影和燈逼客窗夜深月黑吠村尨世無叔夜能禽盜
卧聽瓜棚說宋江

初夏望日爲第五女彌月

彩悅低垂別有香綠槐庭畔解征裳老親歡喜看文祿
諸子喧呼促餅湯生女連年添晚境慰情他日試新妝
鳳雛五影參差處惜不齊飛到玉堂

同學周少蓮丁荔軒先後至充喜贈各一首

回首程門雪冷時安貧行樂是吾師晚年封鮓能為養

遠道脩羊愧可知奉檄有才偏落拓深蘭無計屢奔馳

東游三度歸裝薄

前在青州濟南少蓮均至

卻喜鵬程漸有基

除目偏遲首荷盤讀書畢竟數儒官少年同學成名晚

貧士居家養母難用世誰曾求馬骨依人豈願累豬肝

薄游單父逢師事莫向潢溪夢釣竿

時甫就單縣幕

附和作

丁開山

連朝櫻筍競登盤無限深情及冷官說項漫嫌知己

少搜腸偏覺和詩難從遊舊跡留鴻爪小別閒身寄

鼠肝陽鱗近聞風乍息臨流可許浪投竿

少蓮誦 蓮湖師八十自壽詩次韻寄呈

化日舒長未九旬欣看杖履有餘春朗吟風月三千首
笑領兒孫數十人福澤文章高等輩起居飲食定精神
劇憐弟子編詩候纔見先生白髮新

憶隨絳帳溫經日潢水風生四座春卻爲宦游添別緒
自傳道脈愛清貧我從立雪能禁冷師喜荒莊不染塵
屈指歸田應更健扶輿再與證前因

竟日

竟日丹黃筆一枝晝披公牘夜吟詩只餘飯後徘徊處

剛抵吾兒放學時

汪柳門學使按試曹州繪三香櫛於扇貽鉅野魏
童子並係以詩和者成帙或題爲曹南佳話快
覩之餘賦此奉呈

昭代三元有兩人大宗師更望傳薪經文成誦如流水
童子偕游正暮春解會狀須開吉兆畫書詩總屬詞臣
右軍題扇爭先覩廣廈歡顏此最真

郊迎何幸奉仁風想到香生一握中信有汪倫憐太白
欣看魏野侍萊公三千桃李情都洽五萬蒲葵意略同

大卷詩傳佳話徧曹南應不減齊東

青州和臘八
粥詩者極多

佑之以馬嘶吟見示次韻以答其意

洗兵徧灑天河雨，差馬猶占吉日午。不信窮荒駕馭難，
盛時自昔威行普。天閑雲錦絕塵馳，豈尚歌筵應節舞。
鞭笞萬騎各騰驤，我馬虺隤君馬俯。君馬旣藉君長吟，
我馬亦煩我代語。致遠才產太平時，有苗早年格干羽。
義大無外一車書，遑慮暗中礪鬼斧。包荒絕域集梯航，
各持方物來依宇。稷山戎小管夷吾，泊賓客矜仲叔圍。
姑將互市作羈縻，獯鬻非貪豈父土。不比同槽夢有三，
且求在浚良稱五。附驥猶榮况驥材，那肯慙閒伏如鼠。
帷幄有人善運籌，操縱權宜利用撫。彼驕我怒協兵機，

不患英雄不用武乘防泛駕且教駢駁可禦兵將食虎
終軍定遠皆書生莫道今人不如古尹吉甫驅獫狁逃
作頌猶稱柔不如馬將轉戰關風沙還望策名到天府
倘以駑駘圖自安生平能閱幾寒暑青驄昔亦效馳驅
長鳴羞與立仗食三品料猶此心年久詎爲官所腐
何時驅鱷靖羣蠻何日哀鴻作百堵萬人敵要效關張
三寸管休誇徐庾馬意如斯良足多與人一心思報主

靜坐

松石叢中坐蕭疎寄我思年豐防穀賤夏閏覺秋遲官
閑催栽樹家書愛寄詩此中含靜趣恰少外人知

抑園銷夏

高樹陰陰繞四旁
疏櫺天色漏蒼蒼
鴉聲似恐人酣睡
喚起憑闌趁曉涼

水盃曬透等溫泉
浣濯功追熈氏前
我似伯鸞能滅火
不因人熱卻因天

狹巷天光一綫拖
風從南北兩穿梭
驕陽午後牆遮住
半晌清涼好夢多

夕照痕微罷晚餐
空庭灑水怕花乾
竹牀攤卷慵翻頁
直待風來揭與看

偶成

清俸年年供母小園日日吟詩爲報洛陽親友不然我
退多時

得家書知舍弟以端午日借馬子貽胡鐵臣畢雲
樓鄭紫垣諸君公餞王鶴樵廉訪於弋陽書院
卽席賦詩可稱盛會諸君皆予舊識因次韻各

寄一首

王鶴樵廉訪

嵩齡

鈞天樂擁紫霞觴觀後歸途近梓桑蓉闕干官新與會

竹谿六逸暫還鄉

廉訪入

覲便道

重持蕩節臨初

地定有蘭徵夢後堂

近聞廉訪得子

待到洪都開府日我還來

覓釣游場

馬子貽太守

佩玖

碧筒笑舉酒盈觴不種成都八百桑萬卷書償文字債
一區宅占水雲鄉白眉閒聽聯牀雨蒼髮猶開問字堂

君掌教光州書院昆仲皆能文我羨高風歸計決豈甘傀儡屢登場

胡鐵臣太守

均

蜀江卧轍錢千觴瑞麥歌成少附桑

君宦蜀都人土作瑞麥歌

人服

吏才能報最君從壯歲早還鄉芝方擢秀摧南國萱未

忘憂樹北堂

女姪歸今四公子新寡老母深念之

同是蘭咳欣潔養田園

畢竟勝官場

畢雲樓太守

內錄

小聚春明酒一觴
西征回首幻滄桑
廿年戈馬人如夢
萬里關河客返鄉
家學源源傳別駕
政聲卓卓肖高堂
哲嗣小樓何時偕隱
南湖畔枕石聽君說戰場
仕東有聲

鄭紫垣大令

桂星

潢溪小任倒壺觴
暫賦閑閑十畝桑
從政昔聞洞庭水
卜鄰今得鄭公鄉
京塵擾擾聯詩社
湘澤迢迢宴畫堂
向在都同詩社使逕欲還家尋舊雨
荷花深處醉干場
粵過湘垣蒙招飲

寄笙堂次韻詠前事

荷池銷夏水流觴
千里書來述梓桑
弟解清吟工應客

詩臻熟境類還鄉墟麈迭奏新詩本

弟擬附刻近作

金碧重輝

舊講堂我與南湖有夙約釣游還憶少年場

萬佑之和前韻見贈賦答

狂吟且縱酒人觴柔性殊難效女桑歸去來須償此願
無何有亦號為鄉奇才共奮青雲路晚節誰珍綠野堂
獨有良朋甘寂寞詩成為我勗名場

回首潢溪宴豆觴頻年改火徧榆桑重教傾蓋逢高士
安得移家住敝鄉招隱歸來皆舊雨論交老去尚同堂
明年卻是登科日笑看蜚聲翰墨場

再酬佑之

歃血盟寒舊酒觴四彝邊釁啟爭桑自知才短難籌策
翻爲親袞欲返鄉良友喜來千里駕清時幸少半閒堂
詩中奇氣如堪用便與蛟龍戰一場

炎天揮去碧筒觴祈雨何須更斬桑有客頻貽冰玉句
此身如到水雲鄉遠游踪跡懷風洞高士門庭近雪堂
漫許湖湘添宦蹟回頭愧我鬥雞場

李接三亦以前韻爲贈賦此奉酬

猶憶芳園月下觴久拋五畝宅邊桑並無夢解尋歸路
竟有愁能入醉鄉蟾窟兩逢修月斧謂兩西席騷壇一似聚
星堂偶然拈句難爭勝又落人閒角逐場

兒童問字載壺觴正賴綢繆未雨桑酒氣縱橫方入幕
詩懷縹渺忽思鄉安仁才豈羈花縣子美窮還搆草堂
準備明年文戰勇三條燭朗埽三場

同心恰喜座傳觴時局無聊重孔桑我輩莫慚青史筆
世閒或有白雲鄉鳳鸞自昔甘棲棘燕雀於今怕處堂
各有封侯未醒夢恐教竿木促登場

再和接三

三人昨夕舉杯觴終覺開軒遙話桑有客吟詩通馬語
羨君引興到鱸鄉官場著我真歧路晚境如僧待退堂
偕隱商山須踐約且尋詩酒好收場

再和佑之

傳箋火速勝傳觴下筆蠶聲聽食桑君是馬應空冀野
我非魚卻慕江鄉吟風得句超蓮幕排日題詩寄草堂
莫負槐陰清晝永須拌酬和萬千場

初伏日 衍聖公贈水分與兩西席先之以詩

上公甲第歲藏冰持贈遙來卻鬱蒸熱裏寒光呈皎皎
年前水迹驗層層催人日月如飛鳥澹我情懷似凍蠅
銜是一條心一片座中相對更相繩

送接三還商城疊韻得三首

兩年觴詠共官衙纔動鄉心便買車碧海濤回弋馬劫

黃河影斷斗牛槎秋風不冷宜行路新月將生已到家
卻笑宦情如我寂鞭絲猶自滯天涯

塵寰擾擾鬧蜂衙琴劍超然下澤車空谷難留賢士駕
仙源待迂使臣車好山好水添吟興秋月秋風送到家
明歲桂香須努力休將詩酒算生涯

斜日高槐早放衙雲陰深處響雷車三人影對樽前酒
二使星馳海上槎指近事竟有潛蛟思得雨那堪衰雁慟

無家世途總讓還鄉好新稻香濃抱水漚

讀戰國策書後

湘流渺渺離騷怨易水蕭蕭變徵聲不及大風歌一曲

汨羅督亢恨齊平

東光州甘雨山孝廉

林楷

帶雨羣花齊隨淚迎風萬柳不回頭

雨山舊句

如斯名句更

多少曾與故鄉誰唱酬吟興何妨千里隔清才遙羨幾
生修黃甘青李原同伴記取他年雪夜舟

輓徐澤甫幕賓

恩奎

蓮花幕斷讀書聲哭寢拌教淚盡傾豈料冰霜彫夏綠
不多桃李比秋清

君喜讀書不多授徒

卅年絕學通千卷半百流

光了一生佐政膏敷齊魯徧玉樓遽召太無情

捕蝗集雁事多端草檄頻年力欲殫

青州捕蝗濟南捐賑君為贊畫均妥

且錢穀不知慚我拙始終無懈似君難憑誰作誅先亡
速錢穀不知慚我拙始終無懈似君難憑誰作誅先亡
婦似此通材未選官慟念碎盤兒學語楹書何日振孤
寒

午眠

午眠夢醒後徙倚曲闌東池靜荷擎露牆低竹受風疎
林穿紫燕病葉捲青蟲閱世行將老閒居悟化工

賀郝夢堯以河工勞晉階觀察

竟把狂瀾力埽除棣州萬戶免其魚水衡用節殊頭會
砥柱功成達尾閭繡豸章身名士服毒龍俯首使君車
一條衣帶同憂患豈止彈冠慶有餘

夜坐

新月隱林邊星光亦朗然夜涼銷急雨秋旱損豐年山
意庭堆石水聲池放泉風塵名漸隱不羨小游仙

窺園

靜閱園林物理微螻飛蠕動總危機蟬驚雀啄聲呼救
螳幸蟲僵勢合圍何道能援天下溺無爭尚與世情違
人生果有桃源路便異鄉關也合歸

佑之評敝集以詩和答

平生磨跡寓於詩賴有良朋一一知時爲推敲煩細律
縱加精鍊愧偏師卅年舊雨踪仍合幾度秋風候又移

不是他山攻錯力老夫敢謂髦能爲

秋晴

青天如沐地如指雨後秋晴到眼佳好景終年無幾日
近游何處訂同儕風翻槐葉交雙蓋雲覆松枝潤萬釵
奚事遠郊煩蠟屐一樽幽賞足茅齋

伊達川太守

勅通阿

招飲賞菊賦謝

叢菊香中倒舊醅主人清暇客追陪宦情共比秋光淡
鄉味新從日下來四海橫流方擊楫千倉大熟且銜杯
荒城此會須詩紀况被前宵急雨催

南窗

睡起南窗樹影疎一庭秋氣爽吾廬種花蒔竹眼多福
埽地焚香心有餘得馬不如翁失馬知魚安見我非魚
當官日味辭官樂且緩深山學隱居

鵲

鵲口營巢血流不止鴉奪所居啄傷其趾往訴鳳皇丹
山萬里衆鳥難平惟鳳所使爾大嘴烏其畏不死

夜大風

聲雄虎豹吼高岡勢猛蛟龍屋上翔平地亂流濤四壁
孤身陡落海中央幾如獵火焚原野又似兵戈赴敵場
一枕靜聽搖撼響總難比似此飛揚

東全羽臣總戎

祖凱時在
登州設防

長鯨跋浪近蓬萊
橫海將軍躍馬來
湘水威名喧幕府
滇池早歲養邊材
川明組練從天下
陣鬥風雲背水開
我亦奮然濡健筆
刻期笑看策勳回

編近作

又見編排一卷成
客懷宦迹兩分明
不從唐宋誇門徑
獨向窮通寫性情
已落風塵難脫俗
再求高妙要天生
抑園終歲償詩債
自覺寒帷負此行